

Plularisme Agama dan Hukumnya dalam Akidah

Semuua agama adalah sama. Semuanya mempunyai tuhan. Semuanya mengajak kepada kebaikan. Semuanya mahukan kehidupan yang baik di dunia dan di akhirat...”

Inilah antara ungkapan yang sering didengari agar kita bertoleransi dalam perbezaan aqidah. Ini sebenarnya adalah satu konsep yang boleh difahami sebagai **pluralisme agama**.

Fahaman pluralisme agama merujuk kepada suatu kefahaman bahawa semua agama adalah sama. Walaupun seseorang individu adalah Muslim, namun ia tidak mempunyai perbezaan dengan pengikut agama Kristian, Buddha dan sebagainya. Semuanya dikatakan sama sahaja berdasarkan firman Allah yang bermaksud:

“Sesungguhnya orang-orang yang beriman, golongan Yahudi, golongan Nasrani dan golongan *Sobiin* (iaitu golongan bukan Yahudi atau Nasrani atau Majusi) maka sesiapa yang beriman kepada Allah dan hari Akhirat serta beramal soleh maka bagi mereka pahala mereka di sisi Tuhan mereka dan tiada rasa takut ke atas mereka dan mereka tidak bersedih.” (*Surah al-Baqarah* 2: 62)

Persoalannya adakah fahaman ini masih boleh diterima dalam aqidah Islam? Sekilas pandang, nampaknya nas al-Quran tersebut memberikan suatu kefahaman bahawa apa jua agama anutan seseorang, bukanlah

persoalan penting. Yang penting ialah keimanan kepada Allah, keimanan pada hari akhirat dan melakukan amal soleh.

Berdasarkan itu, jika seseorang itu memilih untuk menjadi rahib atau paderi, tidak mengapa. Hal ini kerana paderi juga kenal Allah. Paderi juga tahu nama Allah. Paderi juga menyuruh kepada kebaikan.

Jadi, bolehkah fahaman pluralisme agama dalam erti kata semua agama sama boleh diterima dalam kefahaman aqidah Islam?

Semua Agama adalah Sama?

Sebenarnya fahaman bahawa semua agama termasuk Islam adalah sama, suatu yang tidak menepati nas al-Quran. Ada beberapa nas al-Quran yang jelas menyebut tentang Islam sebagai *al-din*. Firman Allah yang bermaksud:

“Sesungguhnya *al-din* (yang diredayai) di sisi Allah adalah Islam.” (*Surah Ali 'Imran* 3: 19)

Firman Allah lagi yang bermaksud:

“Dan sesiapa yang mencari selain Islam sebagai *al-din* maka tidak diterima dari-padanya dan dia termasuk golongan yang rugi di Akhirat nanti.” (*Surah Ali 'Imran* 3: 85)

Selain itu, sirah Nabi s.a.w. menunjukkan bahawa perjuangan Nabi s.a.w. adalah bagi menyampaikan dakwah Islam kepada seluruh umat. Masyarakat Arab pada zaman Nabi s.a.w. sebenarnya sudah mengenal Allah. Hakikatnya nama Allah sudah wujud. Firman Allah yang bermaksud:

“Dan jika kamu bertanya kepada mereka siapakah yang menjadikan langit dan bumi nescaya mereka akan berkata “Allah” (yang menciptakkannya).” (*Surah al-Zumar* 39: 38)

Kalau begitu, mengapa masyarakat Arab



Nurkholis Majid (golongan Islam liberal) mengibaratkan pluralisme seperti roda, pusat roda itu adalah tuhan dan jaring-jaring adalah simbolik pelbagai agama.

ketika itu menyembah berhala? Rupa-rupanya mereka menyembah berhala sebagai satu cara mendekatkan diri kepada Allah. Firman Allah yang bermaksud:

“Maka sembahlah Allah dengan memurnikan ketaatan bagi-Nya. Ingatlah hanya bagi Allah agama yang bersih. Dan golongan yang mengambil pelindung selain Allah (berkata) bahawa kami tidak menyembah mereka melainkan agar mereka mendekatkan kami kepada Allah.” (*Surah al-Zumar* 39: 3)

Jelas di sini bahawa ibadat kepada Allah mestilah tidak bercampur-baur dengan perkara syirik, walaupun sedikit. Begitu juga jika niatnya baik sekalipun, ia mestilah berpandukan ajaran al-Quran. Justeru jika ada golongan yang sudah kenal Allah dan beribadat kepada Allah cumanya menyembah makhluk lain dengan niat mendekatkan diri kepada Allah, wajarkah kita menghalang?

Menurut fahaman pluralisme agama, seseorang itu perlu beragama malah mereka berfahaman bahawa hak beragama adalah hak individu. Berdasarkan itu, tiada siapa pun boleh dididik dan dibimbing dengan mana-mana agama tertentu.

Hakikat yang harus difahami bahawa Islam tidak memaksa mana-mana individu untuk menerima Islam. Dakwah Islam berjalan dengan pendekatan yang harmoni tanpa melibatkan pertumpahan darah. Perperangan yang berlaku dalam sejarah umat Islam adalah kerana umat Islam ditindas dan dizalimi atau apabila dakwah Islam disekat.

Namun Islam juga menyuruh agar pendidikan Islam diterapkan sebagaimana firman Allah yang bermaksud:

“Wahai orang yang beriman! Jagalah diri

kamu dan ahli keluarga kamu daripada azab api neraka." (*Surah al-Tahrim* 66:6)

Selepas pendidikan diterapkan, terserah kepada mana-mana insan sama ada mahu menjadi baik atau jahat. Allah pasti akan menghisab segala amalan yang kita lakukan.

Semua Tuhan adalah Sama

Fahaman pluralisme agama menyatakan bahawa Tuhan semua agama adalah sama. Ia seumpama kepelbaigan lampu tetapi cahayanya tetap sama. Dalam Islam, tuhan dipanggil Allah. Dalam konsep Kristian, ada konsep *Trinity*, tetapi masih merujuk kepada kekuasaan dan keesaan Tuhan. Dalam agama Hindu, mungkin dikenali sebagai Brahma.

Secakali lagi, al-Quran menafikan konsep sedemikian rupa. Allah mestilah disifatkan sebagaiimana yang termaktub dalam nas. Oleh sebab itu, Islam menolak konsep aqidah *Trinity* dan dakwaan bahawa Tuhan mempunyai isteri dan anak.

Hakikatnya Allah dalam Islam tidak sama dengan Allah dalam agama Yahudi dan agama Kristian.

Konsep Pluralisme Agama pada Zaman Nabi

Sebenarnya fahaman ini sudah pun wujud sejak zaman Nabi s.a.w. dalam misi awal dakwahnya di Makkah. Antara tawaran yang diajukan kepada Nabi s.a.w. ialah tawaran beribadat mengikut giliran. Mungkin hari ini menyembah Allah, esok pula menyembah berhala. Lusa kita kembali menyembah berhala. Atau boleh juga beribadat cara mingguan atau bulanan. Seminggu beribadat kepada Allah secara langsung, manakala seminggu lagi beribadat kepada berhala.

Dalam *Fath al-Bari Syarah Sahih al-Bukhari*, Imam Ibn Hajar al-Asqalani – ketika membicarakan tafsiran surah al-Kafirun, menyebut riwayat bahawa golongan Quraisy mengajak Nabi Muhammad s.a.w. agar menyembah tuhan mereka selama setahun dan mereka pula menyembah Tuhan Muhammad selama setahun.

Tawaran ini dijawab secara langsung dengan turunnya wahyu yang berbunyi:

"Aku tidak menyembah apa yang kamu sembah. Dan kamu tidak menyembah apa yang aku sembah. Bagi kamu agama kamu, dan bagiaku agamaku." (*Surah al-Kafirun* : 1-6)

Menurut fahaman pluralisme agama, seseorang itu perlu beragama malah mereka berfahaman bahawa hak beragama adalah hak individu. Berdasarkan itu, tiada siapa pun boleh dididik dan dibimbang dengan mana-mana agama tertentu.

Konsep mentauhidkan Allah adalah konsep asas dalam aqidah Islam. Oleh sebab itu, al-Quran menolak fahaman bahawa Allah mempunyai anak. Fahaman ini sebagaiimana dakwaan golongan Yahudi bahawa U'zair adalah anak Allah. Begitu juga dakwaan Nasrani atau Kristian bahawa Isa adalah anak Allah. Firman Allah yang bermaksud:

"Dan golongan Yahudi berkata bahawa U'zair adalah anak Allah, manakala golongan Nasrani berkata bahawa Isa adalah anak Allah. Itu adalah kalam mereka melalui mulut mereka. Mereka menyerupai kalam golongan kafir sebelum mereka..." (*Surah al-Taubah* 9: 30)

Solusi bagi masalah ini ialah keyakinan kita sebagai seorang Muslim bahawa hanya Islam sahaja sebagai agama yang direndah oleh Allah. Namun ini tidak bermakna kita memusuhi agama lain sebaliknya kita ingin agar rahmat Islam tersebar ke dalam diri setiap insan. ■

Pelbagai Jenis Niat

Tahukah anda bahawa niat yang ikhlas dan baik ada dalam pelbagai bentuk. Berikut adalah senarai **niat** yang pelbagai, dengan kedudukan teratas merupakan martabat ikhlas yang paling tinggi.

- Membesarkan dan mengagungkan Allah.
- Niat melakukan ibadah dan taat dengan perintah Allah.
- Mencari keredaan-Nya.
- Merasai kemanisan beribadah dan taat kepada Allah.
- Rindu melihat "wajah" Allah di akhirat kelak.
- Mendapat pahala (tidak ditentukan pahala tertentu).
- Mendapat pahala tertentu.
- Takutkan azab dan balasan Allah.
- Takutkan azab dan balasan tertentu seperti takutkan seksaan dalam kubur.

Mereka Ahli Neraka!

Alah berfirman yang bermaksud, "Sesungguhnya orang yang beriman, golongan Yahudi, golongan Nasrani dan golongan Shabiin, siapa sahaja antara mereka yang benar-benar beriman kepada Allah, hari akhirat dan beramat soleh, mereka akan menerima pahala daripada Tuhan mereka. Tidak ada kekhawatiran kepada mereka dan tidak pula mereka bersedih hati." (*Surah al-Baqarah* 2: 62)

Ibn Kathir mengulas sebagaimana yang diriwayatkan daripada Sa'id bin Jubair, bahawa ayat ini turun dalam kisah para sahabat Salman al-Farisi. Dia berkata kepada Nabi s.a.w. bahawa para sahabatnya melakukan solat, berpuasa, beriman kepada Nabi s.a.w. dan bersaksi bahawa beliau diutuskan sebagai Nabi. Ketika Salman selesai memuji mereka, Rasulullah s.a.w. bersabda yang bermaksud, "Wahai Salman, mereka ialah ahli neraka."

Salman terkejut mendengar penjelasan itu. Lalu Allah menurunkan ayat tersebut. "Iman Yahudi" adalah orang yang berpegang kepada Taurat dan sunah Musa a.s. sampai datangnya Isa a.s. Ketika Isa a.s. datang, sesiapa yang masih berpegang kepada Taurat dan sunah Musa, tidak meninggalkannya dan tidak mengikuti ajaran Isa, maka dia adalah orang celaka. Dan "iman Nasrani" ialah sesiapa yang berpegang kepada Injil dan syariat-syariat Isa a.s., maka dia menjadi seorang yang beriman dan diterima imannya sehingga Muhammad s.a.w. diutuskan. Maka barang siapa yang tidak mengikuti Muhammad s.a.w. dan meninggalkan sunah Isa dan Injil, dia tergolong dalam golongan yang celaka.

Sumber: Ibn Kathir, *Tafsir al-Quran al-Azim*, 1:238.



Mohd. Nidzam Abd. Kadir

Lulusan Sarjana dari Universiti Islam Antarabangsa Malaysia (UIAM), kini berkhidmat sebagai pensyarah juga di UIAM. Berpengalaman menimbi ilmu di Pondok Pasir Tumboh, Kelantan, kemudian menyambung pelajaran di Universiti Al-Azhar dan kursus peringkat Sarjana di American Open University, Kaherah. Aktif dalam penulisan. Lawati blog beliau, <http://nidzamkadir.blogspot.com>